

上海图书馆

登记号码

JP000000014





隱逸高彥常傳



府志


高彥常號橘隱長興人元末隱士瑰瑋多才篤志積  
典嘗薦辟不就遊學江楚遇名山大澤慷慨吟嘯  
以寄其懷洪武初以賢良方正舉任湖湘尋棄官歸  
獨攜洞庭橘種樹故園白鶴嶺下蔚鬱成林自按拍  
唱樂府詞於其下以壽終



皇朝開國以來... 聖祖皇帝... 高日生... 著... 序...

高日生


序






橘隱公小傳

橘隱公字彥常諱不傳以字行一號鶴山翁生平好  
橘遶廬樹千樹焉以自隱因自號澹蕩多才篤行好  
學元季屢見徵禮不就遊學江楚間歷沅湘涉洞庭  
流覽岳陽雲夢弔蒼梧九嶷舜墓處過靈均賈傅放  
逐悲吟之地愀然太息想見其爲人合山川形勝以  
發其竒氣凡胸中驚喜怡豫悲愁慷慨悉出而爲詩  
才情浩汗性樂交遊徧結多士大夫方外畸人緇流





羽客無所不友士大夫都敬羨之明初以賢良方正  
舉復遊宦湖湘久之不意得脩然棄官獨攜洞庭之  
種歸種故山置別業白鶴嶺下曰鶴山草堂鶴山故  
仙人姚紵上昇處也地多靈泉怪石往時有十里松  
陰琳宮廻邃異衲高人徃徃來集公園橘成林座客  
常滿與同里青霞翁吳宗本雅厚日夕遇從以詩酒  
相娛樂醉後常自按拍唱樂府歌辭若不知有人世  
榮辱事以壽終子二汝明則明 汝明諱云天性孝





友亦能詩有眉菴集千首矜慎自娛不求聞譽躬事

田畝妻操井臼以養親而使弟遊學 則明諱誠爲

人侑儻豪上有才略尚信義博學能詩文持已自好


不妄干進與人交亢爽無鬪鬪士多樂與之遊少與

誠意伯劉基善在太學時人咸就之及歸省傾宮出

餞多士雲集各賦詩贈言眷眷不能別遂繪橋門送

別圖以誌一時之勝常從軍南征然不以武功顯卒

著文學繇邑博士弟子貢入成均初受 命治獄南






昌後擢師宗州卒於任論曰祖之不仕元也其高尚  
已及乎 龍飛景從士有一長咸得自見父子賢且

才終不甚顯用豈天爲之邪抑不求仕進別有所見

邪漣生也晚遺集無一存高風懿行舊譜又不盡傳

深懼况晦謹按舊聞稽之故老紀述萬一庶後來者

尚有所興起云






橘隱圖題咏


橘隱記

大江之南吳會之壤其產多橘洞庭兩山吞吐於太湖烟水中居民十百鱗次櫛比咸是植焉富者千計惟利是射而以奴視之孰有貴重之而託以棲息者鶴山高君彥常偶獲孟性初寫生一枝延置岩居遂與莫逆凡飲食忻戚未嘗去左右因以隱自號余見而戲之曰是實也巴之愚人所不能採巴之刁叟所






不能藏巴叟善习子之习不其善之善乎雖然以橘  
言橘僅涉其粗未足以知橘也以隱言隱有心於隱  
未足以爲隱也惟不橘而橘不隱而隱然後橘與隱  
之趣得矣譬之室有蘭焉芳香襲人久之蔑聞也非  
不聞也非其香之有減於昔也與之化焉耳彦常試  
觀之青黃雜揉橘之文也於以飾其學層枝剡棘橘  
之衛也於以謹其防踰淮爲枳橘之變也於以厲其  
守若然者不知橘之爲己己之爲橘也謂之非隱可





乎請以是爲橘隱之一驗時洪武二十五年龍集壬  
申二月望日峨嵋生記







中二氏... 日... 始... 出... 時

... 以... 族... 譜... 之... 一... 無... 得... 若... 在... 二... 十... 五... 年... 譜... 集... 上...



橘隱詩


大學士端木孝思

幾年不見洞庭霜  
高氏移來舊草堂  
白雪青雲擁密  
影朱欄碧瓦度幽香  
彈棋每對神仙坐  
獻頌曾同楚  
客嘗醉後欲題三百頌  
無邊詩思隔湖湘

又

西蜀唐仁

大江南去鶴山前  
中有幽人卽散仙  
黃橘千株親自  
種白雲一屋共誰眠  
怡情飽看霜中實  
濟物時分井  
底泉只恐非熊天上兆  
不容長誦考槃篇





又蘇莊

商山風景好何似橘中仙放浪疑無地迢迢別有天

手談機不露隱語趣堪憐自喜幽栖處超然謝世緣

又

戚里吳春


平生塵跡遠公門種橘成林手澤存為愛怡情延歲

月不圖結實待兒孫芳苞纍纍千頭秀香葉芸芸百

世繁飽歷風霜休變枳須憑後胤固深根

又

白下梁貴和





高人遶屋種千株，利益門庭號木奴。  
栖迹喜看成隱逸，濟人無吝等賢愚。  
花明瑤屑風烟霽，穎熟金丸霜露敷。  
對景鶴山何處是，橘中佳趣與誰俱。


又

泰和袁叔介

托根厚地飽風霜，柯葉青青不改常。  
自昔靈根限淮浦，至今風味傲羶鄉。  
丹房正合朱方色，甘液曾經青鳥嘗。  
盛世若人懷隱逸，一枝繪畫向行囊。

又

南昌釋濟盛





不羨簪纓寵愛深幽栖種橘已成林春華照眼浮香  
雪秋實盈園集異禽弭患豈無鄉土念貽書最重故  
人心吳山楚水長相隔金玉應無貴爾音

又

江陰高佐

習隱苕溪結草庵幽居無事種霜柑煖風十里香浮  
几寒月一林色映簾奉母昔曾懷陸績濟人今已繼

蘇班


聖朝天子求賢急未許高才久滯淹

又

西昌梁弘智

南上三言

月思堂





才奴千樹種清門  
四序無踰奕葉繁  
絳雪風華照南  
北清霜香氣滿  
乾坤生同橄欖甘  
非苦品勝葡萄性  
最溫笑倩鶴山高  
隱士好邀神漢沃  
靈根


又

泰和蕭士高

炎方喜樹聚千頭  
錯落西風霜露稠  
數里晴霞雲夢  
晚一洲朱火洞庭  
秋葦郎歷畧詞真  
劇劉子書貽韻  
最幽想見行人遙  
望處分明指點比  
封侯

又

盱江稽綬





鶴山種橘已成林翠葉重重湧密陰撩亂香風吹屑  
雪森沉寶瑟綴垂金巴園剖處爲神異蘇井栽來起  
病沉共說洞庭風景好何時寄傲得追尋

又

雪溪蘇平

木奴千樹擬封侯見說君家景最幽翠色滿林吳苑  
曉丹苞萬顆闡風秋孝同陸續懷來遠才比靈均味  
更優而祖風流今尚在結根應是繼前修

又

追和端木學士韻

怡雲生吳蒼

字孝春




翠層雲景爛朱霜遠得移根  
老子堂惠好寧因自雕  
飾無人不以減芳香千秋孤竹  
差堪擬六月王家未  
敢嘗寄此高隱真一德誦聲久矣徧瀟湘

又

吳珍 汝貴

余生也晚去彥常君殆百年而其清風雅望往  
往人能道之厥孫昇持卷索題乃用端木學士  
韻以答其請

主人亡去幾星霜鶴嶺猶存舊艸堂  
丹井春泉浮玉





液碧林秋實散金香栽移自昔成幽趣採摘于今從  
奉嘗知是倦遊尋吏隱芳名尚是滿湖湘


又  
徐溥

鶴山山下有潛夫種得黃柑幾許株一葉固知能愈  
疾千頭何必強名奴森羅寶樹盧家種珍重芳林孟  
氏圖留向千年應不改風華長似熟霜初

跋


弘治改元戊申  
重陽前三日  
甘泉生吳琬

榻隱乃吾曾祖母族高君彥常所自號也彥常以賢






良發身遊宦江楚能以廉謹持心結交多士大夫其  
卷首所畫橘孟性初之筆峨嶠生爲記橘隱之詳發  
揚竒古誠傑作也翰林大學士及能文諸君子皆咏  
歌之而先君又題于間展玩之際光華燦然非故家  
遺物他人亦不能得昔歐陽子家中葉凋零父遊宦  
早喪太夫人篋中惟存七賢度關圖一卷歐陽以爲  
先世遺物重愛若寶且爲文識其始末以傳來世今  
高生昇得此不失尤勝歐陽氏之七賢圖矣宜珍藏






以為傳家之寶也





彦常公所遺橘隱卷卷首有孟性初畫橘宛然若生  
又有中書舍人溫卓篆書法道古去今數百年  
猶如親炙聞故時曾爲人竊去名筆半被剪落  
幸而僅存誠宜重也裔孫溥敬爲長句貽諸後  
來辛未作戊寅錄梓

黃橘生江南稟性限淮浦我祖負竒資行不向北土  
龍飛庶彙爭朝陽鸞鷲終不鳴歸昌翱翔千仞集山  
麓椒堂桂棹夢軒皇千株橘柚供棲逸幽貞芳潔人





如一更傳圖卷貽後人寶光燦爛同金璫一枝冉冉

露未晞香丸七顆疑朝暉青黃雜揉秋色老神液欲

流芳苞肥離逃隱見修合裏恰似幽人晝掩扉殷勤


畫者誰季生孟夫子筆端幻出江漢姿腕下直爭吳

苑美真能神肖首陽君千秋猶見靈均旨憶昔平林

遠澗磯綠沈漠漠團幽風烟霧一簾香靉靄雲霞十


畝光菁葱月犯少微應吳越春華秋實永消歇山空

月冷雲益益昔時衆芳因薇蕨尚遺此枝歷寒暑暑






不爲焦寒不杌右有烟雲蛟龍蟠左有霜華鸞鳥集  
何殊絲繡高士容人間永見孤鴻骨








Faint vertical text within a rectangular border, likely bleed-through from the reverse side of the page. The characters are mostly illegible due to fading.



送高則明歸省親序

今年冬識高君則明於予私寓樂其性通達中心事  
無關隔且能爲詩尚信義因談笑間自喜得良友寂  
寞羈旅中可相從以釋懷抱朝夕接見者幾月今將  
別去歸省其親余甚惜之念居太學二年得友如則  
明者鮮矣偶得之多參差不能久與處則聚散間得  
無情乎以則明之所負濟之以忠信行之以勤敏宜  
無事不可爲余固期待之久矣方今繇郡縣學薦人






成均繇成均出而受事走四方被選擢親


日月之

光任外政以撫千里者往往有之雖其命使然亦未  
有無諸已而偶得者則是修於已必得於天命繇德  
而賦之也天下之人離親戚鄉里涉修阻客於成均  
歷寒暑以事講習將立其身爲君子獲任用顯聲名  
以爲其親榮者也抑知所以致之者勤厲其心修飭  
其德則所望不期自至若務矯激虛文以張大之久  
而人見其僞於其所望猶待秀實於握苗也惡可得






哉吾以是卜之則明所遇以爲親榮者其可量乎余  
友趙學知與余同私寓而與則明同館下且相善余  
識則明則明訪學知而過我也學知率同志友餞則  
明俾余序且求所以勉之者余豈有辭益於則明哉  
姑書是以贈歸以進諸親及鄉黨則所以勉則明者  
當有發於是矣洪武十一年十一月二十七日四明  
舒壽同序





信壽同氣



Faint bleed-through text from the reverse side of the page, including characters like '信壽同氣' and '高田先生'.



送高則明省親詩

翁山陸原

堂上慈親鬢已星金陵遊子動歸情  
來書杳杳辭雙闕匹馬蕭蕭過五亭  
尊酒不堪江上別驪歌愁向客中聽  
相思亦欲隨君去恨不身生兩羽輕

又

慈谿張俊

京華爲客今始歸畫船綠檣輕若飛  
親庭在望隔雲水絲衣着體明朝暉  
梅花開時天欲雪江上行人正愁絕  
問君何處最關情翠禽啼徧茗溪月





又

丹山潘士銘

朔風凜冽歲云暮遊子寧親指歸路片帆落日清江

濱泊盡沙頭留不住醉來夜後對青燈思君應有停

雲賦


又

鄭城董寧

高君念親心脉脉歸帆今喜龍江發白頭日日倚門

閨夜觀燈華曉占鵲

又






太學星霜久高堂定省稀  
九重承近制千里赴歸  
期橘柚經霜熟鱸魚出水肥  
到家稱壽畢題字慰相  
思


又

四明嚴賓

三載瞻雲上鳳臺今朝歸覲好懷開  
飄飄白舫浮空去突兀青山撲面來  
日煖筍抽南院竹雪消花發後  
圓梅高堂笑語斑衣舞始信人生有老萊








|  |  |  |
|--|--|--|
|  |  |  |
|--|--|--|



送高則明省親後序


今年春予入成均受業於蔣先生館下遂識高則明氏則明湖州人學博行純善爲文予與之交甚篤冬十一月至日則明將告歸省謂予曰吾與子以道誼相知今可無言以餞予行余謂梓人之巧不能施之於大匠者以規矩準繩之所繇也吾之言曷敢爲子之贈哉雖然其於戒行之際能不鳴其離別之情乎夫士君子之爲學不過修其孝弟忠信以爲事君親





高  
之  
用  
耳  
今  
兩  
載  
成  
均  
無  
僥  
倖  
之  
心  
務  
敦  
所  
學  
以  
期  
他  
日  
立  
身  
揚  
名  
之  
遠  
而  
忠  
孝  
之  
於  
君  
父  
者  
講  
之  
素  
矣  
若  
其  
輟  
所  
學  
假  
歲  
月  
以  
歸  
省  
尤  
人  
子  
之  
當  
爲  
而  
爲  
親  
之  
所  
深  
喜  
則  
宜  
來  
卒  
其  
學  
以  
膺  
國  
用  
以  
慰  
親  
望  
其  
孝  
又  
豈  
不  
偉  
與  
若  
曰  
不  
違  
將  
父  
則  
四  
牡  
言  
之  
詳  
矣  
又  
何  
待  
予  
之  
所  
論  
哉  
故  
爲  
此  
以  
贅  
於  
篇  
端

洪武十一年冬十一月至後三日四明趙學知書






鶴峰公墓誌


福清林孟機撰

嘉靖丁未冬十月高生德音持厥考鶴峰行狀來請  
銘曰先考塋有日矣圖所以不朽於邱壑者惟我先  
生誌焉予曰奉遺訓表先行孝子則也予奚容辭遂  
銘之曰公諱悌字克讓宋景炎朝運幹之後世居高  
灣里六世祖橘隱公有懿行濟美流祉其后宜大高  
祖諱誠字則明曾祖諱泰字景文祖諱原字宗太父  
諱謹字慎夫號南坡先娶敖氏繼娶臧氏實生公十






五喪父弱而好弄及娶黃氏天衷忽發年二十日謀所以治生者乘時若趨赴考林藪闢鍛場廣畜牧蒸蒸然植良田務穡政勤以肅惰儉以致豐由是雪山之稼如雲矣自悼早孤弟妹尙幼率竭力爲畢婚稼曰先人所遺骨月甯使吾瘠無使而薄夫婦飲辛茹苦嘗相戒以勞則善心生敬姜之教也予敢忘荒以玩愒胥勞協力無間寒暑又互相假貸周人之不逮見義而動人無負之者用是日富其家偃歲款嘆曰






年不順成哀此矣獨奈何自裕爲徧加賑恤族昆弟  
有疾患憐其貧無資藥每代治之卒賴以安全有姊  
適吳氏賦役大困諸子不能支輒曰父有姊遺繫我  
獨腆不可以傷姊心遂罄困廩以解厥困喜與賢士  
大夫交自嘆失學遣長子德音受業陳繡山張南洲  
陳子謨二名士嘗戒之曰奕世載德不忝前人博學  
績文以亢若宗偉男子之所爲也吾家自橘隱公而  
後門第少落呵及我存而學學而成吾含笑入地矣






故德音一志讀書列爲弟子員日著聲譽公善事官  
長盡忱弗欺召計事必曲盡利害鄉有爭訟者每詞  
下悉平之各當其情人無異議所司咸嘉其能令人  
贊爲散官體貌魁梧衣冠濟整望之知爲文人也生  
平好謀略耽歷覽嘗讀史至三國慕武侯公瑾之爲  
遇中機會者欣然向往蓋慷慨之氣與古人合方欲  
大恢厥家以患胃痛竟天天年母癘尙無恙臨終歎  
息欷歔潛然謂子曰予不及養汝祖墟墓之戚無日





忘之今又先違祖母而去泉下之痛曷有極哉汝輩  
宜竭力奉事勉學卒志庶免予辜以幼子未成立台  
冢子總家務遺囑巨細明爽不亂可謂有養者矣夫  
勇以祛習勤以治生慈以恤幼義以惡病嚴以訓子  
恭以事上公以息爭孝而念母具是數者真無愧橘  
隱公之後裔也其偉行章章在人矣生於弘治十四  
年五月初二日巳時卒於嘉靖三十四年五月初三  
日亥時享年僅四十有四壽不滿德惜哉厥配黃氏






享年九十有六公歿後皆其內助也子四長德音娶  
合溪錢氏次德教配葉阜張氏德行聘呂山吳氏德  
性尙幼皆秀穎嗜學女二長適呂山邑學生吳孟醇  
次適廣德步秉亨冢子德音卜以今年十二月十三  
日葬於馬鞍山之南祖墓之側遂采行狀而誌之銘  
曰高氏之先自宋歷元間有作者未大厥門譬彼桐  
梓曰培其根橘隱發之始輝以繁君性醇摯雍雍



溫溫義觸於中有剛者存載襲前猷經綸彼屯急  
病振困爲時所尊如何不弔梁棟摧燔有美者止  
馬鞍之原我銘揭之垂示子孫

嘉靖二十六年丁亥冬十一月望后三日





|                                                  |                                                 |
|--------------------------------------------------|-------------------------------------------------|
| <p>Blank space for text in the right column.</p> | <p>Blank space for text in the left column.</p> |
|--------------------------------------------------|-------------------------------------------------|





鄧守高公傳

公諱繼賢生三十八日而孤稍長篤學不倦事婺母  
以孝聞其交友信臨財不苟甫弱冠受知學使者補  
弟子員每試輒冠軍順治庚寅以廷對前茅爲鄧州  
守鄧故唐宋以來重鎮也自闖賊蹂躪雨暘讐候疫  
癘繼之四境盡成荒落矣里戶較舊時止存十之三  
按其戶口不及曩日一里之數地居衝要軍興傍午  
咸取給焉加以河工徵輸每月一次此月未完後月






繼催追呼鞭撻與歲月相尋宜鄧民之日以凋敝也  
公下車飲人以和招集流亡闢荆榛而種植之捐奉  
資製銀牌簡其勤者次第犒賚之民以競勸而田野  
漸復矣既而旱魃爲虐人人不自保公齋潔步禱烈日  
中不數日甘霖大澍尤念河工困民爲最亟爲請  
於督撫凡河夫貼費槩以原派數列單令原役自取  
之纖毫無所染指其他額徵皆吏收官解不煩里甲  
一人以故賦役雖繁民不爲病自 聖天子受命




率士皆臣而滇池一隅猶俟整旅鄧爲諸省咽喉軍  
需孔棘公及王師之未至星馳入宛顙諸上臺多方  
區處預庀芻脯以爲協濟是以師旅雲集而闐闐不  
驚則公之才備無患以衽席斯民也其在鄧車門之  
內清可飲冰冬薪夏泉外不能名土一毛凡兩造質  
成必霽色以導之務盡其情而後以片言折之入禮  
其僚佐如家人出禮士大夫如師友下禮耄倪婦女  
如子弟而且肅胥吏遠便佞時有震霆以示不測鄧





陽之民至今歌思焉州自兵燹後土荒厥業公廣爲  
督課之以愛士故尤重司訓師道尊然後教化行州  
之以文行拔萃者自此纍纍起皆公門桃李也公固  
未易才哉稽鄧在宋時名守范文正公由朝廷侍從  
請郡以自優聞耳若公之治鄧以整易亂化難爲易  
卽文公寧足多哉惜也止於一隅試鸞刀也使得如  
文正廻翔中外則其所洒潤寧有旣哉公性耿介不  
喜逢迎以故小民戴若杜母而上官終屬齟齬卒之






日衙署蕭蕭惟圖書數卷鄧民擁送載道甚有泣下者既而植碑祠祀歌思不忘非公之留遺愛植甘棠何以致是歲在己未余自粵東歸其長嗣孝錫謀葬公於黃山之陽余愧貧無以爲賻又慮公之湮沒不彰也遂爲傳

康熙二十八年己巳十月之朔

賜進士第中憲大夫知廣東惠廉兩郡事前工部屯田清吏司郎中年家眷弟鍾明進頡首拜撰





以前女世道中平修...

淑士國中放大夫...

第烈二十八...


...

...

...

...


...





節孝費宜人傳

費宜人祖則明公配也公好遊學壯而未室及筮仕  
南昌始婚于費費故龍興鉅族也宜人明惠而才事  
君子有禮薄宦僑寓賴以周旋公丁內艱歸後擢官  
滇南師宗州州去此萬里攜室甚艱且育子甫襁褓  
親老而宜人能代養遂留不之偕公至滇娶妾龐氏  
生子以州命名公死其土子從母留彼中訃聞宜人  
號慟欲親往度不可乃之母家且使人告公故交欲






因其力以求歸骨鬻笥中衣捐珮瑱百計營貲卒獲  
迎喪中道扶櫬歸葬故園時年甫二十耳呼天盟日  
初公之往也父橘隱翁尚無恙兄汝明能勤持護及  
公亡時汝明已先逝去翁且邁宜人盡棄粧飾力與  
冢婦莫氏勤女紅潔中饋翁好客樂酒能供甘旨無  
闕失二未亡人如二子在養也既而翁亦逝復拮据  
營墳墓以禮葬教子景文使無失學謹持門戶擇婚  
配遂奇則明公後事而昌熾遺胤云於乎古稱貞婦



出自性哉亦繇情摯夫離別新故之事閨中所深憾  
既已使之獨處兼子職又外室他鄉長子孫乃能殉  
義亡介且滇南固畏途也棧道連雲危嶺入漢路石  
利於磋馬行穿鋏屣長釘貫之一日鋏敝輒易人命  
懸猿蠻烟瘴間遠宦多殫殞而能想魂萬里外生客  
死歸彼子棄其父弟棄其兄者抑獨何也不墜宗祧  
以呱呱之孤傳胤數百一髮千鈞繫豈微哉故漣於  
雲耳之餘復窮搜而傳贊





其人之功績與對面而論

其人之功績與對面而論

其人之功績與對面而論


其人之功績與對面而論

其人之功績與對面而論

其人之功績與對面而論

其人之功績與對面而論

其人之功績與對面而論






哀則明因咏費節婦

并序


大理寺丞同邑楊復

高君諱誠字則明世家長興爲望族則明筮仕  
南昌後授雲南師宗州別駕卒於官夫人費氏  
則南昌所婚者余補弟子員時識則明蓋豪爽  
人也歿已多年而夫人守故廬猶無恙則明雖  
死亦壽矣此等事大關名教不可以默敬書短  
句如左





高君雉城彥費子龍興秀宦途入千程緣定遂成偶  
人生嗟如風中花苦爲功名落天涯滇池萬里難攜  
家分途歸雉亦何賒辛勤入室撫二雛二雛纔立形  
影孤儵儵老鳳棄我去訃音忽至魂欲俱吞聲忍死  
爲雛活蓬首織紉磨歲月二十便寡六十多四十年  
來天降割石高於山猶可播鍊堅於金猶可銷妾心  
念君守君土看君兒女忘妾苦誰能就苦反辭甘地  
下見君永不慙






長歌贈高節母

大戴峰友菊道人陳宗禮

有客美且都白哲頗有鬚自言渤海裔蔓衍來山居  
乃翁讀書作賢士蚤從芹泮師鴻儒壯年貢成均步  
武青雲衢擢官江西無冤獄三年小試淹名駒北堂  
老母忽逝去歸來寢苦哀戚餘祥琴旣以御促駕趨  
鴻臚調官直上西南隅連雲棧道路縈紆啼猿恠獸  
相喧呼


十字闕文

其母曰費大家生





兒襁褓方呱呱不得侍櫛相與俱留奉祭祀親當厨  
蠻烟瘴雨氣候異乃翁果死留遺孤一朝萬里訃音  
至涓涓血淚沾衣裾卽捐簪珥作路費迢遙得返白  
骨枯埋塋青山根松柏今扶蘇誰知未亡人嫠居能  
善圖遂罷紅粉妝與孤相守誓不渝上有白頭祖時  
復羞蝦魚堂前有豕婦中道亦亾夫旦暮相依倚青  
燈共辟纊無何祖亦化禮塋歸山隅門戶日凋落攜  
幼苦支梧孤年十二頗知學從師里巷能勤劬行當






弱冠年始取名家妹豈徒執箕帚亦解孝事姑天作  
高氏胤麒麟復生雛大家今年六表餘黃紬作襖白  
布襦兒知養母樂愉愉訓蒙束脩具甘旨便身畢給  
供時需登堂祝眉壽盤荐秋江鱸斑斕戲綵服母心  
亦歡娛太平見此珊瑚株高家母共姜徒冰清玉潔  
保身軀不須樹綽楔希登太史書華笈實軸巨公贈  
看此足以名鄉閭

又

孀孀翁






滿望夫君衣錦還寧知此別竟終天徒懷鳥道一千里獨守鸞幃四十年秉志期同金石固銘心私慕竹松堅於今白髮垂雙鬢長看兒孫戲綵妍

又

夫君萬里沒炎荒妾住空閨幾斷腸但保寸心同鐵石不知雙鬢易星霜敝帷故篋秋風冷暗壁殘燈夜漏長賴有遺孤今長大願言宗祀自茲昌

又

怡雲生吳孝春





蚤喪先君母子孤水霜節守在桑榆青燈夜雨頻揮  
淚白髮寒窓苦辟纊絲綺離弦空海鶴羅襦舊繡拆  
天吳堪誇令德關名教能振頽風作範模


又

江右危樞

十年爲客徧江湖要似夫人世所無蚤逝相君堅雅  
操養成孫子總鴻儒悲風鼓篋蜚鸞影殘月穿窓教  
鳳雛天意茫茫終可問芝蘭遶砌足爲娛

又

會稽韓恭






藁砧長逝恨難禁寂寞孀居歲月深愁裏孤鸞窺寶

鏡夢中別鶴怨瑤琴奉先不負蘋蘩托抱節惟存鐵

石心燦燦詞林題咏在清風不愧後人歆





高母節孝潘孺人傳


事有曠世而相感者非有不泯之堅貞孰使余心慨  
慕之無已節孝潘孺人茗源高公配也毓質名閨作  
嬪右族輔相以德宜室宜家無何運逢百六忽焉破  
鏡年僅二十慟欲捐軀因念翁姑垂曰弱息啼依未  
亡飲恨乃誓茹長齋柏舟矢志勤紡績奉槃匱恪盡  
婦道重詩書嚴訓課兼修義方撫二子俱成立教三  
孫蚤蜚譽序晚年諸孫固請茹葷孺人曰必待汝曹





鹿鳴薦饗庶慰乃祖于地下否終不可強責望之殷  
槩可想見卒年七十有二郡邑兩旌其門嗚呼歷數  
孺人飲冰五十二載而能敬事舅姑撫訓子孫以綿  
遺澤於無窮非有不泯之堅貞而能若是乎此余之  
所爲曠世而相感也厥孫漣與余爲同學友持祖母  
節孝行狀請余序余雖不獲備述懿範然傳其志節  
猶足表女宗於奕禩云

崇禎十一年歲在戊寅仲秋月年家眷晚生金鏡頓






首拜撰

高天宗並日

潘儒人節孝傳

三十一

三十一





高以分...


身...





節孝高母劉孺人傳

劉孺人邑諸生高鳳翔妻大司空劉清惠公諱麟之  
孫女也年及笄適鳳翔奉舅姑相夫子十指佐膳一  
燈伴讀宗黨嘖嘖稱之無何姑欽患痼疾不起者二  
年孺人左抱嬰兒右護病姑小心湯藥歷久不渝至  
割股救療終不愈號痛幾殞殮資俱血淚手刺戚族  
見者無不憫然不數月鳳翔以哭母哀毀感病劇甚  
孺人涕血焚額救療百至辛慘如救姑時竟不起時






孺人年十九裂指瀝血絕而復甦恨不卽死以從地  
下爲有藐諸孤或可藉手以報乃含痛拮据力襄殯  
事遺柩在堂遺孤在抱孤又善病孺人百計調護以  
無患陰陽家徒四壁織紵攻苦束贄出就名師傳歸  
卽鳴機午夜機聲與呬唔聲相應也孤稍長名繼賢  
以鄉進士出守鄧惠政纍纍詳本傳皆孺人之教誨  
也繼賢可謂無忝所生矣抑母孺人真女中丈夫哉  
十六于歸十九而婺守制撫孤五十餘載御史已具



題旌表猶恐其事實之久而湮沒也用是爲之傳以  
附諸其家乘中使其子孫繩繩得以流覽而興感焉  
康熙二十八年己巳陽月旣望年姪丁璟頓首拜述










趙孺人節孝詩 并小序

趙孺人伯祖諱及申字維周公配也十九于歸  
未半載而伯祖蚤世子無兒女終身矢志靡他  
康熙五十四年歲在乙未請旌於文宗馬公諱  
豫准給額曰冰心霜節享年五秩有餘卒之日  
親戚皆淚詠集詩百餘首年久遺亡幾爲湮沒  
棟於蠹魚中搜得殘箋數章殆大節之不肯終  
湮乎亟錄之以著不朽云






高且公詩  
咏高節母趙孺人

陳在昌

欲弔貞魂路已迷  
石山橋畔草萋萋  
冰搥不愧鮑宣  
婦苦節還同文叔  
妻紡績莫辭龜手  
坐親蠶長是蟹  
筐攜傷心三十餘  
年事得達楓宸日  
漸低

又

腸斷今逾三十秋  
貞心不爲老將休  
昔年泪盡悲青鬢  
此日魂歸訝白頭  
前路算來成底事  
後緣拋却復何求  
泉臺相會莫相痛  
贏得芳名萬古留





又

客齋陳士南

金飈吹動暗深閨  
巾幘千秋大節垂  
月冷泉臺空有  
淚鶴歸華表已無期  
生憎釵上霞飛燕  
死作山前連理枝  
歲歲箬溪春水綠  
新蒲細柳不勝悲

又

陳文燦

三十餘年忍未亡  
豈同穠李戀春光  
多憐伯道心難  
死却愧文君髻  
易傷繫燕有知長  
作伴哀鴻無語日  
迴腸采風不惜如  
椽筆閭里爭歌薤露章



序馬堂

又

徐上徵

昨夜西風忽報秋  
婺星光落碧天頭  
飲水人解腸如洗  
茹蕖葉誰知心似  
掘同父已隨曼倩  
去比兒未屬若敖  
留綠窓日後添銀  
管清獻芳閨又一  
籌


又

趙嗣夏

吾族推貞女  
凌霜五十年  
一生完趙璧  
之死戴高天  
學使題旌久  
儒官綽楔先  
他時修邑乘  
應俟老夫傳


又

陳學洙






黃鵠雙飛石山麓  
往歌聲闕聞朝哭  
雄鵠舉兮去杳  
冥相逢無日嗟  
雌伏一哭綢繆  
中廢未成巢再  
哭恩  
勤終已不抱穀  
襪褫何用羽毛  
竒誓不改余之  
初服  
千山誰伴杜鵑  
啼午夜孤樓貞  
女木古木槎牙  
千尺  
強枝葉簸播風  
謾謾蔭餘百畝  
紛勾萌只有靡  
蕪最  
難綠江漢信羨  
安久留迴首湘  
波奩鏡淥追陪  
娥皇  
驂女英恨竹斑  
斑千萬束吁嗟  
乎我聞鳳凰臺  
上夜  
簫和失侶哀鳴  
不復知是曲又  
云屏開孔雀金  
翠光





淚眼血枯寧復飲雙鋏四座安坐請勿喧聽我一彈


再鼓和寡鶴君臣道盡朋友廢我歌可夫愧臣僕





節孝高母董孺人傳

孺人烏程董雲倬女也年十八適高生楚嶼時嶼已病篤日夜焚香祈以身代甫五月而與卒蓋棺之頃決求自盡翁紹衣姑李氏交相勸慰乃以媳盡子道毀容作苦定省靡缺時夫兄二藹生子悅曾甫睟其母楊氏棄世遂盡心鞠育視爲己子誣夫兄年又不永十餘載中姑與翁復相繼壽終惟與姪熒熒自守喪葬盡禮教孤成立以致宗祧不絕書香有傳以云





節孝庶無愧焉因請旌於乾隆九年建坊於本村  
之東稱未亡人者五十餘年壽登七十有二郡縣兩  
志具載東山散人李志廣拜撰

贈高節母詩

同邑

錢兆沈

蓼溍

弱植休嗟命不猶寒花素月卅春秋但將節烈標彤  
管已勝恩情到白頭一死未酬夫子恨百年聊慰舅  
姑愁自來生小嫺閨範安獨航詩有柏舟

又



一木能支大厦安  
霜斯雪壓任摧殘  
宵分燈火貞心在  
春老鶯花淚眼看  
舉世豈知從死易  
此身獨解撫孤難  
父書能讀兒堪慰  
免使良人恨蓋棺

又

歸安  
朱山  
懷仁


矢志青年到白頭  
閨中正氣邁前修  
艱難菽水貧無缺  
辛苦機杼夜未休  
猶子多才知有自  
良人隱願已能酬  
只今花甲將週也  
慈竹凌霜色更遒

又





節烈原從秉性生豈因霜雪漫移情備嘗辛苦初無  
異閱歷寒涼總不驚孝養舅姑兼子職誠求孤亦慰  
夫兄而今勁栢凌雲聳一片堅心老愈貞





節孝王孺人傳

王孺人系出三槐節母倪氏之女族叔思文公配也  
生而貞靜事婆母以孝及笄于歸內則無愆年二十  
有四而孀子如彭甫襁褓家素貧乏門戶凋零族少  
期功之近戚無棣萼之親子立支持形影相弔此境  
遇之至難也公沒時哀號絕粒不恤投繯抱石同赴  
泉壤第念十二代之宗祧僅存呱呱一息吞聲忍死  
撫遺孤守敝廬脫簪珥以營田宅勤績紉以助熊丸






拮据創業宗族鄉黨稱言無間年今五十有五教子  
 成立生三孫天之所以報施節孝者正未有艾嗚呼  
 迴思孺人熒熒數十載較他人之守節為倍難而能  
 矢志全貞綿延勿墜豈不偉哉今已請

旌適譜牒重修事關名教奚可弗誌達故漫忘固陋

擬實直書若夫表揚貞烈闡發幽光端有所於縉紳

先生非達之所敢與也

乾隆四十年歲次乙未季春朔日姪達頓首拜識





贈孀王孺人節孝四律

姪家棟

可憐吾叔正英年小若無端作九泉  
詎學客投江水事頓教婦誓栢舟篇  
三週孤子千愁緒四壁清風萬  
苦綠自是幽心盟素月寒門賴有一婣娟

其二

系出三槐節母門堅貞成性自天根  
菱花頓破雙棲散桂茁初生一綫存  
力護嬰孩逾冷煖身勤紡績度  
晨昏于今兩鬢蕭疎白咲看階前子又孫






其三

于歸五載遽分鸞僅得遺孤襁祿看計產  
 止存田半畝哺兒長是粥三餐但期瓜瓞階前蔓  
 差使藁砧地下安吾實親瞻時歎息坤儀晚近獨能完

其四


桂亭公後十三傳一髮千鈞獨引牽節自能完  
 非惜死孝何以盡在承先脫簪惟守嫁鴻志畫荻常書教  
 歎篇自古苦貞天視近燕詒從此卜縣縣






節母許孺人暨施孺人合傳

許孺人者余高氏祖姑之長婦表伯大興公之配也  
少嫻壺教長習女儀及于歸閑靜端莊不苟言不苟  
笑孝舅姑和姻戚相夫以義繼遺舅喪盡禮盡哀人  
咸稱之時諸叔幼未娶孺人以長奴主薪爨奉甘旨  
余祖姑嘗言曰予婦勤以治家謹以侍養予憫其乏  
而孺人甘任其勞也無何而大興公病孺人百計救  
療無一效迨卒遺子蘭堂甫五歲女七歲孺人肝腸






幾裂痛欲摩笄家人咸勸謝徐曰我死徒以子女累  
姑姑精力已衰悲苦之中益以勞瘁非爲婦所敢出  
也遂收涕佐治具晝操作夜挈子女歸寢而終夜滴  
然襟袖積淚痕焉家貧至是姑以諸子婚娶俾析炊  
孺人銜哀持家以婦任子以母兼父養姑育兒皆取  
給于十指而孺人之力億矣越數年姑以老病卒孺  
人喪姑如喪舅而痛益劇嗣後女已嫁子已娶又數  
年而子左孫孺人方展眉曰余庶幾可稍慰乎無何





而子病初大興公之卒也由羸疾至是子又羸疾孺  
人日夜憂煎寢食俱廢而卒不可治既窘於醫藥又  
迫於喪紀故孀婦孤孫悲慨無地哭子之慟轉慟於  
哭夫撫孫之艱更艱於撫子又無何而孫殤孺人一  
生苦節盼望在子子死在孫孫又死而何望哉嗟乎  
雪霜太厲松柏亦彫心葉竝抽荃蕙易死年七十五  
卒州餘年茹荼集蓼罔不憫孺人而與嘗艱苦者施  
孺人也施孺人者年甫笄適高氏爲余表弟蘭堂配






端靜一如其姑故姑許孺人視之如女而加愛焉平  
居勤以補貧儉以豐養宗黨妯娌咸嘉歎及蘭堂之  
構疾也孺人私禱籲天欲以身代至姑前則婉言勸  
慰了無憂色已而蘭堂卒子女俱在襁褓許孺人哭  
子幾瀝血孺人囑人善勸姑與質治喪稍暇輒自勸  
曰姑無然姑無子而有婦婦亦子也矧有此呱呱者  
待其成立克紹父業則姑之養有屬矣於是謀薪水  
勤訪績慘淡一燈涕血交下而不使姑覺也越四年



而子鵠又殤姑益慟孺人又百般勸慰侍餐不倦無  
何而許孺人以哀苦終孺人一慟幾絕曰吾夫死不  
敢泣子死不敢泣恐傷我姑心冀我姑壽延百年度  
幾兩世貧孺相養以生相守以死今我姑棄我去我  
何以生爲雖然我不可不卒子事爲拮据治衣櫬謀  
殮殯剝心貯苦鍊指生皴孺人之境愈慘而孺人之  
力愈憊矣時女之已嫁者死壻又死子然一身形影  
相吊今年五十五始得繼從叔孔堂子耀廷爲嗣悲






何如哉夫世有富田宅育子女而夫死淪志者矣世  
有夫死撫子子死而淪志者矣而兩孺人矢志靡他  
耐窮全義我祖姑之遺訓歟而困厄若此天特苦其  
身以表其節歟古有行義桓嫠懷清巴婦若今兩孺  
人洵可與激揚貞風者矣時高氏方輯宗譜許孺人  
之姪孫聞天屬余爲之傳余謂余之文不足傳而兩  
孺人之苦節可傳且冀耀廷他日得以知祖母與母  
之苦衷而思所以慰黃墟娛白首也遂不辭而爲之






合傳

道光九年歲次己丑季冬表姪周行騏頓首拜撰





|                                               |                                               |                                               |
|-----------------------------------------------|-----------------------------------------------|-----------------------------------------------|
| <p>山氏公言</p> <p>卷之八</p> <p>四十五</p> <p>山氏公言</p> | <p>山氏公言</p> <p>卷之八</p> <p>四十五</p> <p>山氏公言</p> | <p>山氏公言</p> <p>卷之八</p> <p>四十五</p> <p>山氏公言</p> |
|-----------------------------------------------|-----------------------------------------------|-----------------------------------------------|






雜詩

送仁卿還湖

元趙孟頫  
子昂

昔年東吳望幽燕長路北走如登天  
捉來官府竟何補還望故鄉心惘然  
江南冬煖花亂發朔方苦寒氣又偏  
木皮三寸冰六尺兩額欲裂凍折弦  
盧溝強弩射不過騎馬竟渡不用船  
宦遊遠客非所習狐貉不具綈袍穿  
京師宜富不宜薄青衫駿馬爭騰騫  
南鄰吹笙厭梁肉北里鼓瑟羅姪妍  
淒涼朝士有何意瘦





童羸騎鷄鳴前太倉粟陳未易糴中都俸薄難裹纏  
邇來方士頗向用讀書不若燒丹鉛故人聞之應見  
笑如此不歸殊可憐長林豐草我所愛羈勒未稅無  
繇緣高侯遠來肯顧我畏茗抱被來同眠青燈耿耿  
照土瓦白日薄薄無葦羶破愁爲笑出軟語寄書妻  
孥無一錢江湖浩蕩足春水鳧雁滅沒橫秋煙何當  
乞身歸故里圖書堆裏消殘年

贈高山人

青霞翁吳中 宗本






窈窕房櫳鬢藥香柳花飄滿讀書牀青春多病令人  
瘦白首無官奈爾狂得鹿未應成夢刃悟蛇端已散  
憂傷幾看綠樹烟生處欲寫新詩遠寄將

次韻賞桂答高彥常


風流最憶高夫子聞玩幽芳樂暮年從事酒傾秋滿  
座狀元花放月當天自拈牙板歌金縷誰按霓裳舞  
繡筵珍重題詩遠相寄才情汗漫似坡仙

哭高汝明






我之從老姑爾之高祖母爾亦有諸姑昔歸爲我婦  
高吳迭姻姪擬繼朱陳後濟濟難兄弟均爲我親友  
君情獨我深我亦謂君厚常時數過我歡笑接杯酒  
眉菴千首詩愛護比瓊玖醉中往往歌義拆無錯紐  
興酣歌不休直欲同擊缶嗟余及暮景日落辰在酉  
恒恐老病加相親弗能久君年方強壯力耕事南畝  
有妻勤且賢孰不謂佳耦晨興奉箕帚日夕操井臼  
誓將百年內偕老成白首豈無連枝弟萬里獨趨走





作宦處蠻荒孤形誰共守嚴君賴奉養甘旨未始苟  
階庭愛蘭蕙門逕雜蒼柳綵衣日嬉娛夔樂期不朽  
斯須事反覆浮雲變蒼狗平生玉雪兒天歿殞荒藪  
悲思百憂結一疾遂掣肘飲藥弗爾瘳神明宜何咎  
沉綿數往問自牖執其手噉啜誦短詩呼我不絕口  
未知古之人交誼有是否蒼皇訃音至痛傷心若剖  
維時歲云暮霜雪亦紛揉川雲晝冥冥野水寒瀏瀏  
匍匐上君堂哀號忘老醜惇惇幼孤在表經冠垂黠





高日三言  
序見堂  
覽此感重傷悲風來戶牖南山舊工隴松柏豐以茂

卜日送子藏千秋閉深叻

未賦從軍詩送則明南征

誠意伯劉基

伯温


清晨絕長江日夕次海濱北風吹旆旌軍功速若神

令嚴戎馬閒九陌無驚塵伐鼓震溟嶠揚帆役鮫人

鯨鱗京觀築鰐醢葦筵新啣啣布穀鳴祁祁農交春

去子還故鄉悲喜集里隣荷插啟瓦礫再荷天地仁

撫綏屬有望世世爲堯民







雨中寄高則明

青霞翁吳中

一分秋盡雨聲中  
桂子生香度晚風  
寄語南昌遠歸客  
好將新句餉衰翁







Blank manuscript page with a double-line border and a vertical column of faint text on the left side.



